

Khomišinare o tthalosa ka ga Ditshenyagelo tša go se itekanele mmeleng goba Bogolofadi

Tshwane, 29 Oktobore 2021 – Khomišinare wa Ditirelo tša Motšhelo tša Afrika Borwa (SARS) o dumeletšwe go ya ka molao go phatlalatša lenaneo leo le khwalifayago la ditshenyagelo tša kalafi tšeo di diregilego gape di lefetšwego ke motho ka ngwaga wa tekolo ka lebaka la bogolofadi bofe goba bofe goba bogolofadi bjo bo itemogetšwego ke motho goba moholegi wa motho (Lenaneo la Bogolofadi).

Lenaneo la Bogolofadi le mpshafadišwe ka morago ga tshepetšo yeo e katološitšwego ya kamano le setšhaba gomme e phatlaladišwe le go tsenywa tšhomong go tloga ka la 1 Matšhe 2020 (*“the 2020 Disability List”*). Go tloga go karolo ya mafelelo ya 2020, SARS e lomogile dipelaelo tša setšhaba mabapi le diphetogo go mokgwa wa go tlhakantšha **ditshenyagelo tša kalafi tšeo di khwalifayago tša go nyalelana le ditefišo tša sekolo**.

Ke ka lebaka le, gape ka morago ga ditherišano, SARS e tšerego sephetho sa go boelamorago go mokgwa wa go tlhakantšha ditshenyagelo tšeo di khwalifayago tša kalafi bakeng sa ditefišo tša sekolo bjale ka ge go laeditšwe ka go **Lenaneo la Bogolofadi la 2012**. Phetogo ye e tlo phethagatšwa go tloga ka la 1 Matšhe 2020. Mantšu ao a dirišitšwego go **Karolo F, ditemana 7 & 8** tša Lenaneo la Bogolofadi la 2020 leo le boeleditšwego gabjale le balega ka tsela ye:

7. Dikolo tša thuto yeo e kgethegilego bakeng sa baithuti ba bogolofadi. Ditshenyagelo tšeo di khwalifayago di tla akaretša –

- **mothuši wa ka sekolong goba ditefelo tša ka phapošing; le**
- **ditefišo tša sekolo tšeo di kgaolelitšwego go palo yeo e fetišago ya ditefišo tšeo di bego di tlo lefelwa ge eba motho tsene sekolong sa kgauswi sa go lefela ditefišo sekolong sa setšhaba seo se sa šomego ka baithuti ba dinyakwa tša thuto tšeo di kgethegilego..**

8. Dikolo tšeo di sa šomego ka baithuti ba dinyakwa tše di kgethegilego tša thuto, tšeo di kgaolelitšwego go ditshenyagelo tša tlaleletšo gape di lefetšwego ka lebaka la bogolofadi..

Lenaneo la Bogolofadi la 2020 le fetošitšwe go ya ka maleba gomme le phatlaladišwe ka go wepsaete ya SARS ka la **29 Oktobore 2021**. **Le ka fihlelelwa ka go kgotla go kgokaganyo ye:** <https://www.sars.gov.za/types-of-tax/personal-income-tax/tax-and-disability/>.

Ka kgopelo lemoga gore balefela motšhelo bao ba amilwego ke diphetogo tše ke balefela motšhelo bao bana ba bona ba phelago ka bogolofadi gomme ba tsena tsena sekolo sa praebete sa thuto yeo e kgethegilego.

Balefela motšhelo bao ba amegago bao ba šetšego ba rometše dipušetšo tša bona tša motšhelo wa letseno tša 2021 ba kgopelwa go tsena ka go diprofaele tša bona tša eFiling goba go etela makala a bona a kgauswi a SARS (ka peakanyo ya kopano fela) go yo:

- 'dira kgopelo ya phošollo' (RFC); goba
- tlhoma kganetšano*.

Boikgethelo bjo bo tlo dumelela molefela motšhelo go kleima dikholego tša tlaleletšo bjale ka ge go laeditšwe ka go Lenaneo la 2020 la Bofolofadi leo le boeeditšwego.

* Balefela motšhelo **ba swanetše fela** go tlhoma kganetšano ge eba boikgethelo bja RFC ga bo hwetšagale bakeng sa ngwaga wa tekolo wa 2021.

Go hwetša tshedimošo enngwe ikgokaganye le SarsMedia@sars.gov.za